



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Expositio Cavsarvm Quibus S. R. M. Sveciae bellum à  
Rege Regnoque Daniae sibi illatum, etiam post Pacem  
Roschildiae initam, continuare coacta fuit**

**Coyet, Peter Julius**

**[S.l.], 1658**

Lit. LL. S. R. M. Daniae literae ad negotiorum suorum in Anglia gestorem,  
Simonem de Petkum.

**urn:nbn:de:hbz:466:1-10534**

sive sunt adscriptitii glebæ, quæ juris quædam species est, per quam Insula Sialandia cum omnibus suis pertinentiis distinguitur ab omnibus aliis provinciis Regno Daniæ subiectis.

Scriptores tam veteres quàm moderni comprehendunt Insulam Wenam sub descriptione Insulæ Sialandiæ.

Lit. LL.

S. R. M. Daniæ literæ ad negotiorum suorum in Anglia gestorem, Simonem de Petkum.

Fridericus III. DEI gratia, Daniæ, Norwegiæ, Wandalorum, Gothorumque Rex, &c.

**H**onorate, dilecte, fidelis. Faciles conijcimus, etiam in Anglia variis sermonibus occasionem exinde subministrari, quod post pacem initam, cum plenaria exercitus Suedici eductio Calendis Maji proxime præterlapsis, juxta tenorem Instrumenti Pacis fieri debuisset, ille nihilominus ad hoc usq; tempus in Regno & ditionibus nostris, non sine maxima earum devastatione ac ruina commoratus fuerit. Fieri etiam facile potest, ut qui veram rerum hæc gestarum notitia destituuntur, cunctationis istius atq; moræ culpam omnem in Nos conijciant. Consultum itaque Nobis visum fuit, in adjuncto his libello de istis omnibus te accurate informare, ut ibidem apud Dominum Protectorem quam moderatissime tamen, instare possis, quo inter Nos & Regem Sueciæ, fide publica, interpositione & laboriosa mediatione Dn. Protectoris in ita paci satisfiat, nostriq; ad incitas jam tum redacti subditi contributionibus & aliis oneribus non amplius graventur; sed exercitus Suedicus confestim educatur, Nosque Pacis fructibus tandem frui valeamus: præsertim cum fervente bello tam gravi & intolerabili onere subditi nostri haut gravati fuerint, quam quod ipsis nunc imponitur; non habita ratione, quod Nos, quantum Nobis incubuit, traditione Provinciarum Scaniæ & Blekingiæ, munimentorumque in iis sitorum, Præfecturarum Bahusensis & Nidrosiensis, (quæ duæ Præfecturæ mediam ferme partem Regni Nostri Norwegiæ faciunt & æquant) item evacuatione Castrum Bremervoerdensis, bis mille equitum traditione, satisfactione Celsiff. Principi Friderico, Slesvici-Holsatiæ-Gottorpiensi Duci præstita, restitutione navium sale onustarum, cum omnibus mercibus, cæterarumq; rerum omnium, quæ in Instrumento Pacis continentur, impletione, officio nostro & paci plenarie satisfecerimus; & insuper ad pacem & tranquillitatem retinendam, Insulam Wenam, licet ad Scaniam non pertineat, Regi Sueciæ cesserimus: cum tamen è contrario & ex parte Regis Sueciæ Insulæ Fionia & Langelandia, universa Jutia, ut & Ducatus Sles-

N vicensis

vicensis & Holfatiæ Nobis restituti non fuerint, sed ab universo Svedico exercitu in hunc usque diem perquam graviter premantur, ut multi subditorum nostrorum, domiciliis & possessionibus suis relictis, jam solum vertere coacti fuerint, pars belli oneribus fatigati concidant, & ad desperationem adigantur. Ex quibus calamitatibus ut emergamus & eripiamur aliud sane remedium nunc non occurrit, nisi maxime æstimata autoritas Domini Protectoris, cujus interpositione pax coaluit, quæ vel hoc nomine indemnes Nos præstare merito debet, Regi Sveciæ aliam mentem indiderit, ut exercitum suum è nostris Regionibus tandem velit educere. Et quanquam à parte Regis Sveciæ obiiciatur, controversiam de præda Guineensi ad finem nondum perductam esse, scias tamen, Nos majorem pecuniæ summam, quam quæ habita ratione æquitatis postulari potuisset, in satisfactionem obtulisse. Et si vel maxime de uno seu altero negotio nondam plane convenisset, veniam tamen apud æquos rerum arbitros invenire non poterit, Nos post pacem sancitam, ab universo exercitu premi, provincias nostras omnimodò desolari, & omni jure neglecto viribus & nervis privari. Quapropter his ipsis clementissime Tibi mandamus, ut apud Dominum Protectorem rogando maximopere instes, velit Regem Sveciæ tam per literas, quam per Legatos suos eò permovere, ut sine ulteriori cunctatione exercitum suum è Regno nostro ac Ditionibus educat, quemadmodum jus & æquitas illud ipsum requirunt, & constitutæ paci omnino consentaneum est. Atque ut hæc te diligenter curaturum confidimus, ita quam primum responsum à te exspectamus, Regia interim gratia te sincere complectentes. Datum Hassniæ, d. 6. August. Anno 1658.

Lit. M. M.

**S. R. M. Daniæ ad suorum in Anglia**  
negotiorum gestorum Simonem de Petkum missa informatio eorum, quæ post initam inter S. Majest & Regem Sveciæ pacem acciderunt, quidque hoc nomine Domino Protectori proponendum.

**N**egotiorum nostrorum gestor ex Instrumento pacis, & præprimis ex & articulis docebitur, quomodo juxta tenorem Instrumenti pacis, Rex Sveciæ munimentum Fridericiudam Nobis restituere, exercitumque suum è Ducatibus & Ditionibus nostris educere, ac subditos nostros tam intolerabili onere liberare teneatur. Quæ omnia Domino Protectori decenter demonstrabit, ut Ser. S. Celsitud. quippe quæ pacis inter S. Majest & Regem Sveciæ initæ Guarentiam ipsa pollicita est, autoritate sua tantum perficere velit, quo S. Majestas, Eiusque subditi illius pacis fructibus tandem revera frui queant. Quapropter Domino Protectori primario & principaliter proponet, quod licet in Instrumento Pacis perspicue & expressis verbis contineatur, Munimentum Fridericiud.